

Ein Gespräch eines Evangelischen Christen / mit einem
 nem Lutherischen / darinn der Ergerlich wandel etlicher /
 die sich Lutherisch nennen / angezaygt / vnd
 brüderlich gestrafft wirdt.
 Hanns Sachs Schüchmacher.



ij. Corinth. vj.

Laßt vns nyemandt yrgent ain ergernuß geben / auff
 das vnser Ampt nicht gelestert werd / sonder in allen
 Dingen laßt vnns beweysen / wie die diener Gottes.

H Hist. eccles.

E. 345, 28.

Autog. Ill. 4.

Grief dich Got lieber Brüder in Christo
Peter/ Got danck dir lieber brüder hans/ Wan gee
stu/ das ist mir ain selzamer gast in meinē hauß. Hans/
Wolauß gen predig/ man hatt das erst gelewt/ vñ gib mir
almit mein büchlein wid/ vñ d̄ Christlichē freyhait/ hastus
aber deinē schweher/ dem altē Romanistē gelesen? Peter
O nayn. Hans/ Wie so? hatt er sich noch nit bekert?
Peter/ Ey/ ich hab in yetz am Freytag acht tag/ gar auß
der wiegē geworffen. Hans Warmit. Peter/ Ey
da kam er vnuersehens zū mir/ da assen wir eben an aynem
Kelbern braten/ O wie hūb der man an zū flūchen vñ schel
ten/ sam hetten wir ainen ermōit/ wie dan alle Romanistē
thūn/ seyther hat er kain wort zū mir geredt/ ist nye in mein
hauß kōmen. Hans Ey/ey/ du hast vnrecht daran thō
so du wayst/ dz dein schweher Euangelischer freyhait noch
vnbericht ist. Peter/ Wie/ ist dan flaysch essen sünd?
ich main du heuchelst. Küßt nit Christus das volck zū im
Matth. 15. vnd sprach. Höret zū vnd vernembts/ was zūm
mundt eingeet/ das verunraynigt den menschen mitt/ Vnd
Luce. 10. Wa jr in ain statt kōmet/ da esset was euch fürge
tragen wirt/ vnd Joan. 8. So euch der Sun frey machet/
so seyt jr recht frey. Vñ Paul. 2. Corin. 3. Wa der gayst des
herren ist/ da ist freyhait/ vñ Roma. 14. Ich wayß vñ bins
gewyß/ in dem herren Jesu/ das an im selbs kain speyß vn
rayn ist/ on dem/ der es für vnrayn rechnet/ dem ist vnrayn
Vñ zū Tito. 1. Den raynen ist alles rayn/ den vnraynē aber
vnd vnglaubigē/ ist alles vnrayn/ wan vnrayn ist bayde jr
syn vnd gewissen/ vnd wider/ Roma. 14. Sālig ist der/ der
im kain gewissen macht/ vber dem das er annymbt. Lieber
was sagst du zū disen sprüchen? Hans/ Du hast war/
flaysch essen ist an im selber kain sünd/ seyde es von gott frey
vnd vnuerbotten ist. Paulus aber spricht. 1. Corin. 10. Ich
habs zwar alles macht/ es ist aber nit alles nützlich/ ich hab
es alles macht/ es bessert aber nit alles/ nyemandt süch das
sein ist/ sond̄ ain yetlicher was ains andern ist. Vñ. 1. Cor. 8

Sehet zu / das ewer freyhait nit werd zu ainem anstoß der
schwachen / Vñ Ro. 14. Den schwachen im glaubē nempt
auff / vñ verwirret die gewissen nit / ainer glaubt / er mög al
lerlay essen / wölcher aber schwach ist / der isset nur krawt /
vñ weyter in dē Capi. Es ist vil besser du esset kain flaysch
vñ trinckest kain weyn / aber das daran sich dein brüd stöß
set / ergert / oder schwach wirt / hast du den glauben / so hab
in bey dir vor Gott. Peter / Es steet auch hinwider. 1.
Co: 10 Warüb solt ich mein freyhait lassen vntailen / von
ainer andern gewissen. Dan so ichs mit danck sagung nyess
was solt ich dan verlestert werdē / ob dem / darüb ich danck
Hans Paulus spricht im text hernach. Seyt vnanstößig
bayden Kriechen vnd den Juden / vnd der gemain gottes /
gleich wie auch ich / mich yedermā in allerlai gefellig mach
vnd süch nit was mir / sonder was vilen zu dreglich ist / das
sy sällig werdē. Peter. Ich ker mich nichts daran. Es
steet Galat. 5. So besteet nun in der freyhait / darmit vns
Christus gefreyet hat / vñ lat euch nit widerüb in das knech
tisch Joch verknüpfen / vñ Colo. 2. Lat euch nyemant ge
wissen machen / vber speyß vñ tranck vnd vber etlich tag.
Vnd weyter / Seyt jr dan nun gestorbē / seyt mit Christo vñ
den menschlichē sagungen / was lat jr euch danfangen mit
sagungen / als wert jr lebendig / die da sagē / du solt das nit
anrüren / du solt das nit essen noch trincken / du solt das nit
anlegen. Vñ noch klärer. 1. Co: 10. Alles dz auf dem flaisch
marckt sayl ist / das esset / vnd forschet nicht zu verschonen
der gewissen. Hans / Lieber / es volgt weytter im Text
1. Co: 10. Wa aber yemant würt zu euch sagē / Dis ist götz
en opffer (wie dan vnser flaysch meyden / götzen opffer ist /
wölches wir auß menschē gebott / vñ nit auß gottes gebott
meyden) spricht Paulus / So esset nit / vñ verschonet der ge
wissen / des / der es anzeücht / Vnd Ro. 14. So aber dein brü
der vber deiner speyß betrübt wirt / so wädelt du schon nit
nach der lieb. Lieber verderb den nit mit deiner speyß / vmb
wölches willē Christus gestorben ist. Vñ. 1. Co: 8. Vñ wirt

also ob deiner erkantnuß der schwach brüder umbkōmen/
vmb wölches willen Christus gestorben ist. Wen jr aber al
so sündigt an den brüdern/vnd schlacht jr schwachs gewis
sen/so sündigt jr an Christo. Darumb wen die speyß mein
brüder ergert/wölt ich nit flaysch essen ewigklich/wie ges
fallen dir dise sprüch von sant Paul: Peter/ Was ist
vns vnser freyhait nütz/wenn wir jr nit brauchen dürffen.
Hans/ Die ist vns souil nütz/das wir wissen / dz vns alle
speyß vnshedlich ist. Aber vñ der schwachen willen sollen
wirs meyden/wie Ro. 15. Wir aber die wir starck seyn/ sol
len tragen der schwachē geprechligkeit/vñ nicht ain gefal
len an vns selber haben/wan es steet. 1. Corin. 10. Wer sich
lest duncken er steet/der schaw das er nit fall. Es seynd ewer
(hab ich sorg) vil die flaysch essen am Freytag auß fräuel/
fürwitz/od wollust/vñ seind doch vngegründt im glauben
vnd werden auff die letst wancken in irem gewissen. Nun
spricht Paulus Roma. 9. Wer aber darüber wancken wirt
so er gessen hat/der ist verdampft/dan es geet nit auß dem
glauben. Was aber nit auß dem glauben geet das ist sünd.
Peter/ Ach lieber brüder Hans/wie lang sollen wir dann
noch in der Babilonischen gefencknus ligen/ an der Römi
schen ketten/vñ vnser Christlichē freyhait mit dem flaysch
vnd allen stücken nit frey gebrauchē Hans/ Lieber brü
der peter/hab gedult/Paulus. 2. Tessa. 2. spricht. Der here
wirt in erwürgen/mit dem gayst seynes mundts/vnd wirt
sein ain end machē. Darüb lieber brüder/laß dir mitsampt
mir/vnd vns allen benügen/das vnser gewissen frey vñ vn
uerbunden ist zū sollichen menschlichen auffsatzungen/der
seelen hayl betressent/vñ last vns fort/solche vñ dergleichē
bürd eüsserlich mit vnsern mitbrüdern willigklich tragen
wie andere Statut vñ burgerlich sitten/wie Gala. 5. Ainer
trag des andern last/so werdt jr das gesatz Christi erfüllen
Peter/ Ich her wol/ich muß den alten weybern vñ män
nern zūlieb wider vnder schayd d speyß machē die doch vñ
Christo verwo:ffen seind Math. 15. Ain yetliche pflanzung

die Got mein hymlicher vatter nit gepflanzet hat / wurde
auff gerewt. Hans/ Hör Paulū Ro. 14. Das reych got
tes/ ist nit essen noch trincken/ sonder gerechtigkeit/ frid vñ
frewd im hayligen gayst. Vnd. 1. Cor. 8. Essen wir/ so wer-
den wir nit besser? Essen wir nit/ so werdē wir nit weniger
Nun so wir aber flaysch meyden zūuerschonen vñsers näch-
sten vnwissende brüders gewissen/ als dan geet solches mey-
den auß glaub vñ lieb/ vñ ist gott gefellig/ wölcher got vor
ain grewel war. Peter So hör ich wol/ ich muß wider
ain gleißnerisch Romanist werden/ vñ all ordnung/ vñ kra-
manz mit in haltē. Hans/ Also / was die on ergernus
Deines nächsten kanst vnderlassen magstu wol thun/ es ist
allain on ergernus willē des nächsten zū thun/ der halb die
wie Pau. 1. Cor. 9. wiewol ich frey bin vō yedermā/ hab ich
doch mich selbs zū knecht gemacht/ auff dz ich jr vil gewin-
den Juden bin ich wordē als ain Jud/ den Hayden als ain
Hayd/ den schwachen als ain schwacher/ vñ bin yeder man
allerlay worden. Vñ. 1. Corin. 12. Wer ist schwach/ vnd ich
werd nit schwach / vñ wer wirt geergert/ vñ ich binne nit
Also laß vns auch thun/ nach dem gebott Christi/ Ioan. 13
Ain newe gebott gib ich euch / das jr euch vnder ainander
liebet/ wie ich euch geliebt hab/ darbey wirdt yeder man er-
kennen/ das jr meine Junger seind. Hörstu / die lieb ist die
rechte prob aines Christen/ vñ nit das flaisch essen/ weñ das
konnē hund vñ Katzen auch wol. Peter/ Lieber es hilft
nichts an in/ so wir jr gleych lang verschonen / sy werden
nur erger vnd verstockter/ darüb gilt es gleich/ man essz od
laß. Hans/ Lieber brüder/ wilt du jr nit verschonen/ so
schon doch des Euangeli vnd wort gottes/ wölches durch
erwer flaisch essen verlestert/ vñ Ketzerey gescholtē wirt/ wan
das flaysch essen/ ist dem gemain man schier der allergrö-
st anstoß vnd ergernus an der Euangelischen leer / Gott er-
leucht ire blindthait mit seynem götlichen wort. Es ist an
in erfüllt der spruch Pauli. 2. Tessa. 2. Darumb da sy die lieb
der warhait nit haben/ auffgenōmen/ das sy sällig würden/

A iij

Darumb wirt in got krefftig irthūb senden/das sy glauben
der lügen/auff das gericht werden alle die der warhait nit
glaubt haben Peter/ Es ist layder war / ich hon wol
nachbarwē/so ainer ain bitten flaysch an ainē Freytag solt
essen/er nem jm grösser gewissen darūb/dan so er ainen vñ
eer vñ gūt belüg/oder bedrög. Hans Ach lieber brüder
so thū so wol/vnd meyd flaysch essen/oder thū es ye haim-
lich/dz niemant geergert werd. Peter Wolan ich wils
thū/ich hon es so weyt nit besunnē/das in den weg schad
darauff volgen solt. Hans/ Wolan/wolauf/ich main
man lewt das dritt an die predig. Peter/ Es ist erst dz
ander. Lieber mein schweher kūpt/redt in an des Euangeli
halben. Mayster vlrich Got grūß euch jr Lutherischē
lewt. Hans Habt danck/jr kūpt eben recht/lieber may
ster vlrich/geet mit vns an vnser predig Mayster vlrich
Ich welt ee dz ewer prediger hieng/er ist ain kēzer. Hans
Ey lieber maister vlrich/wie so? Maister vl. Da sagt
mein Ayden da wen er kūpt/vnser prediger sagt man dürff
nymmer betten/den hailigen dienē/fasten/beychten/wallen
Messhören/vigilg/seelmessen/Jartagstiffte/Ablass lösen
vnd sey kain gūt werck zur sälligkait nütz/vnd noch gröber
bossen/darnach sich dan mein Ayden mit sein gesellen hellt
er wayst wol was ich yezund main. Hans/ Ey peter/
du thūst auch vnrecht daran/du vnd dein gesellē/fart mit
solchen stücken herauf/das vñ das sagt vnser prediger/vñ
sagt doch nit vsach darbey / wie es euch der prediger hatt
gesagt/vñ stürzet die ainfeltigen lewt von der leer/die ver
flüchen darnach die Chüstlichen prediger/ vnd fliehen dar
nach solliche jr predig/daran sy den grund möchten hören/
vñ verlestern dz hailig wort gottes vnwissent/vñ sprechend
Ist das die newe leer/so willich in meinē alten glaubē bley
ben. Wer ist schuldig daran/allain jr vngehobleten knebel
Du oder deins gleychē werdt mir hold oder feynd/gilt mir
gleych/Es ist ye not zu sagen. Wan jr aber Christen werdt
so handlet jr Chüstlich vñ saget den vnwissenden die tröst

112

1

lichen wort von Christo/die jr von dem prediger gehört het
nemlich/das der todt Christi sey das aynig werck vnser era
lösung/vñ wie der hymlich vater Christo allē gewalt hab
geben im himel vñ auff erden/den Christū allain sollen wir
hören/was er hayst sollen wir thun/was er verbeit sollen
wir lassen/was er frey läst/hab nyemant zūerbieten/wes
der im himel noch auff erden/bey der seelen hayl. Vnd wen
jr solches den leüten vor sagt/das möcht die hertzen der vn
wissenden erwaychen/das sy darnach auch an solche pre
dig kēnen/vnd hörten selbs den grundt/darduch sy kēne
zū warer erkantnus der warhait gotes. So viel dan dz an
der mensche gesatz vñ gauckelwerck selber zūbodē. May
ster. Ulrich Daruō hielt ich auch mer/wen man vō gütē
dingē sagt/Ich hörs aber vō den Lutherischē nit vil/estüpt
ye ain ganzer tisch vol Lutherischer herein zū meinē Aydē/
vnd hört doch warlich ainer kain güt Christlich wort von
jn/da heben sy an Mūnch vñ Pfaffen auß zūrichten/es ne
me ain hundt mit ain stuck brot von jm/vnnd wölcher baß
mag/d ist maister vnder jm. Darūb lust mich jr Lutherische
weyse gar nit. Hans/ Peter peter/dz ist wider die lieb
des nächsten/Math. 7. Alles das jr wölt das euch die leüt
thünd/das thünd auch in hinwiderumb. Nun wölstu ye
nicht/dz man dich also auß blefniert wan sy seyend so blind
arms älig/vñ verstockt/das man billicher mitleydē mit in
het/vñ got für sy bāt/dan das man jr schand/laster vñ vn
gerechtigkait also außschreyt/vñ tischmerlin darnon saget
Peter Ey dürffen sieß dan thun/so müssen sieß von in sa
gen lassen/es ist ye die warhait. Hans/ ob es recht sey/
hōr Paulū Roma. 2. O mensch du kanst dich nit entschle
digē wer du bist/der da richtest/dan warin du ain andern
richtest/verdampst du dich selbst/seytemal du eben dz selb
thüst. Verstee mit dem hertze/darin du ain andern richtest
Peter. Lieber sy hon vns lang am narren sayl vmbher ge
fürt/wir wöllensy widerūb mitt solcher maß bezalen/wie
Apocalip. 19. Bezalt sy wider/wie sy euch hatt bezalt vnd

machts jr zweyfeltig nach jren werckē. Hans/ Es steet
aber Math. 5. Liebet ewer feynd/benedeyen die euch males
deyen/thünd wol/den/die euch hassen/bittet für die euch
belaydigen vnd verfolgen/Vñ. 1. Petri. 2. Entlich aber seyt
besymmet/mitleydig/brüderlich/herzlich/freündlich. Ver
geltet nit böses mit bösem/mit scheltwort mit scheltwort/
dargegen benedeyet ic. Peter/ Sollen wir dan lachen
darzū/ so mainten sy/vns were wol darmit/ich sich wol/es
kumpt ain neues geschray vber dz ander/wie man die Chri
sten von des Euangeli wegen stürmet/fächt/ verbrennet/
verdreybt/die land verbeit in dem Babilonischen Keych.
Hans/ Lieber Brüder/dz ist vns alles vor verkündt durch
Christū/wie es geen wirt/lyse Mat. 10. Mar. 12. Lu. 21. vñ
Joā. 15. Da fundestu alle die veruolgung/ so dan yetzund an
fächt vber die Christen zügeen. Peter/ Es were aber
schier besser/wir schlügen mit feüsten darein/nach laut des
spruchs Apoca. 18. Mit wölchē kelch sy euch eingeschenckt
hat(verste die Babilonisch hür) schenckt jr zweyfeltig ein/
vnd wie vil sy sich herlich gemacht/vñ gayl gewesen ist/so
vil schenckt jr qual vnd leyden ein. Hans/ Onayn/es
steet Deu. 32. Die rach ist mein/spricht der herz. vñ Apo. 13
Wer ins gefencknuß fürt/der wirt ins gefencknus geen/Vñ
wer mit dem schwerdt tödtet/der muß mit dem schwerdt
tödtet werden. Vñ Mat. 26. Wer mit dem schwerdt sicht
der wirt am schwerdt verderben. Also wirt sy der herz wol
finden/wie. 2. Pe. 2. In jrem würgen werdē sy erwürgt wer
den/Darumb sey du zu fryd/vñ bleyb in deiner Christliche
gedult/Lu. 6. Wer dich auff ain backen schlecht/dem beüt
den andern auch dar/Vñ wer dir den mantel nympt/dem
were auch nit/das er dir den rock neme. Peter Wie/söl
len wir dan jrer driererey recht gebē. Hans Nayn/wa
jr in vnder augen seyt/vnd sy die Euangelischen warhait
verlestern/da schweigt nit/sonder widerlegt in ire mensche
geschwertz mit dem wort gottes/vnd handelt nichts wider
sy mit rumor oder geschray/wañ das ist vnrecht/vnd dem

gemainen man ganz ergerlich. Peter/ Sy hatt doch
Christus auch selbs von disen verferischen wolffen verkün
digt/ vnd auch in irem abwesen/ nemlich Mat. 7. vnd. 24.
Mar. 13. Lu. 21. Da hat sant Paul vō in geschubē. 1. Cor. 15
vñ. 2. Cor. 11. Gala. 5. Ephe. 4. Philip. 3. Colo. 2. 2. Tissa. 2
vnd. 1. Timo. 4. vñ. 2. Timo. 2. vnd dergleichen sant Peter/
1. Pet. 5. vnd. 2. Petri. 2. vñ auch. 1. Joan. 4. vñ. 2. Joan. 1.
Hans Merck das ist darumb/ wie steet Roma. 15. Was
vns für geschubē ist/ das ist vns zur leer geschriben/ auff dz
wir durch gedult vnd trost der geschribte hoffnung haben.
Also seynd wir durch die hailig geschribte gewarnet vor in/
vñ irer verführung auff das wir vnser gewissen in nit vnder
werffen sollen/ sonder ainig vñ allain dem vnwandelbaren
wort Gottes. Peter/ Warūb schreyen dan vnser predi
ger der gaystliche falsche verfürische leer/ gotsdienst/ gebot
vnd leben also auff der Cantzel auß/ Desigleychen Doctor
martin/ mit vil sein nachfolgern/ schreybē vor gemelte stuck
so vberflüssig vnder die Christliche gemain/ ist es in recht/
so ist es vns auch recht. Hans/ Ja solches predigen vñ
schreyben/ geschicht auß verpflichter Christlicher lieb/ den
gemainen vnwissenden verfürten volck zū güt/ auff das sy
ire gewissen loß machen von den gemelten verfürern. Zū
dem andern/ den verfürern zū güt/ ob got durch sein krestig
wort ain tayl mider schlüg/ wie Paulū vor Damasco. Act. 9
vnd auß Wolffen des Teuffels / schäfflein Christi machet.
Wa aber sollich predigen oder schreyben auß bösem gemüt
vnd nicht auß Christlicher liebe geet / so ist es vnrecht vnd
sünd/ wie nütz vñ not das werck an jm selber ist/ nach lawe
des spruch. 1. Cor. 13. Wenn ich all mein hab den armen ge
be/ vnd ließ mein leyb brennen/ vñ het der lieb nicht/ so were
es mir nichts nütz. Zie bey ist wol zū besorgē wa jr hinder
dem wein sitz vnd schendet münch vnd pfaffen/ das es nit
auß Christlicher liebe/ sonder auß übermüt/ neyd/ haf/ od
auß böser gewonhait kum/ wölches nachredē in der schrift
verbottē ist/ nemlich Ephe. 4. Last kein fawl geschwetz

B

auff ewern mundt geen/sonder was nütz ist/zur besserung
da es not thüt. Vnd weyter/Alle bitterkeit vnd grym/vnd
zorn/vnd geschray vñ lesterung sey fer: von euch/vñ Tito. 3
Erinner sy/das sy nyemandt lestern/nicht hadern/gelinde
sein/alle senftmüt beweysen gegē allen menschen. Vñ Pe. 2
So legt nun ab/alle bosheit vnd alle list/vnd heuchlerey/
vnd haß vnd alles affterredē. Peter Die kerer sich den
nocht nicht daran / man sing in süß oder bitter/ die seynd
verstockt wie die phariseer. Hans/ Ey so laß sy geen
wie die Hayden/Matth. 18. Wan so jr sy lang schendet/in
flüchet/ist es nyemandt nütz / vnd ander lewt die bey euch
sizen vnd hören/die ergern sich daran/sprechen/ die Luthe
rischen können nichts/dañ die gaystlichen schmähen/vnd
wollen sy haben vñ stechē/wie kan dan etwas gūts hinder
jn/vñ jrer leer stecken/Es ist Teuffels leer mit jn/vnd flie
hen auch fürbaß die Euangelisch leer vnd bleyben in jrem
alten irthumb/das ist die frucht ewers nachredens. Darüb
wiltu ain warhaffter Christē sein/so meyde es vñ verschon
ander lewt daran. Zu dem so wolt jr all die jr euch Luthe
risch nennet an dem frummen man dem Luther ainen deck
mantel ewer vnschickligkeit süchen/vnd euch seiner leer mit
gemess halten/Dañ ob wol Luther die Christlichē freyhait
zū erledigung der armen gefangen gewissen angezaygt hat
er doch daneben durch seyne schrifftten vnd predig menig
lich gewarnt/wie er dann noch für vnd für thüt/sich vor
drieglichen/ergerlichen/vnchristlichen/handlungen zū hü
ten/vñ nit also dem Euangelio vnd wort gottes zum nach
tayl mit der that zū schwürmen/vnd gleych den vnbesyntē
zürasen. Darumb jr euch in disen ewern vngeschickte hand
lungen des Christlichē mans Doctor: Luthers/ der es so gūt
Christlich vnd getrewlich maint zū ainem schandt fleck nit
billich gebraucht/Dañ was Christenlichen erbarn gemüts
was gegrünten glaubens vñ vertrauens mögen sich doch
die behelffen/die mit außwendigen geberden/als die gayst
lichen an jren leyb/ eer vnd gūt zūuerfolgen/ dem nächstem

mit flaysch essen / vnd andern ergerlich zů sein / anfaben
Christen zů sein / Vñ da zaigen dise frucht an / das der baum
gewißlich böß vñ fawlist / Math. 7. Mayster vl. Ja
mayster Hans / wan jr etwan da werent / wan die Lutheri-
schen bey ainander seind / vnd bungen ainē vnder sich / der
nit Lutherisch ist / da hörten jr wie sy der lewt verschonē / ja
hindersich / da halten sy Fastnacht mit jm / vnd legen sich
alle vber jm / der muß jr Romanist / Papist / gleyßner / vñnd
werckhellig seyn / vnd reden jm so spötlich vnd hönisch zů /
das er vnder jnen sitzt / wie ain pfeuffer / der den Tanz ver-
derbt hat / vñ waist nit in wölche ecken er sehen soll Hans
O jr grobē rülzen / ewer hertz solt sich frewē (wa jr anders
recht Christē wert) wa jr vnwissende leüt vberkempt / dz jr
jn das wort gottes (das pfundt dz euch gebē ist / Mat. 25.)
brüderlich mittaylet / so fart jr zů / vnd verspott sy. Peter
Lieber sy versteent so gar nichts in der schrifft / vnd stellen
sich so vngeschickt darzů / wie ain hundert in ain Karren / so
muß man in dan darzů helfen. Hans / Ach nayn vñ
Christus willen / verschonet der vnwissendē vnd schwachē
gewissen / wann sy haben des worts Gottes nit gewont / jr
Buchen prediger haben sy nit darauff gewisen / sonder dar-
von / auff ire erdichten menschen werck / auch seynd vnnützig
vnd spotwort in der schrifft verbotten / Ephe. 5. Schampe
re wort vnd narren theding / vnd scherz / vnd was sich nit
zür sach reymet entschlach dich. Vnd. 2. Timo. 2. Das vn-
gaystlose geschweiz / entschlahe dich / dann es fodert vil zů
ainē gotlosen wesen / Sonder wie Paulus Colo. 3. Last das
wort Gottes reüchlich in euch wonen / in aller weyßheit /
vnd leeret vnder ainander selbs. Peter / Lieber es seyn
vil alter graver menner / die rümen sich auch / sy wissen das
Euangeli / aber sy legens nach irem Kopff auß / vnd wenn
mans im grund fragt / so versteent sy eben so vil im Euangeli
als ain Riw im bretspil / soll man jr nit spotten darzů
vnd sy straffen. Hans / Hör Paulum in der ersten Epi-
stei / zů Timoth. 5. Den eltesten schilddt nit / sonder erman jr

B ij

als ain vater/die Jungē als die brüder/die altē weyber als
die mütter/die jungē als die schwester. Merck/ hie hast du
die weyße/wie es als lieplich vnd holtelig muß vnderweyß
sen sein. Peter/ Es seind aber ettlich gayst polster dar
under/die lauffen alle kirchen auß/vnd wollen got den hy
mel mit iren wercken abkayffen/vnd wen man in von dem
rechten gots dienst sagt/so lecken sy hindten vnd form auff/
vñ kannyemant mit inen naher kōmen. Hans Ey/du
mußt in iren irthum freuntlich anzaygē/wie Gall. 6. Lie
ben brüder/so ain mensch in ainem laster begriffen wirt/so
strafft in mit sensstmitigem gayst/ jr/ die jr gaystlich seyt
Peter/ Ja/sy nemens mit an/vñ sprechen/wir sollen vns
selber bey der nasen nemē. Hans/ Da kumpt herauf/vñ
dem ich stets sage/ Sy ergern sich an ewern rohen leben
Peter/ Söllē wir dan ain gleisnerisch leben fürē/wie die
Münch. Hans Nayn/sonder ain leben wie die Chustē
wie Paulus Ro. 13. Last vns erbarlich wandeln als an
liecht/nit in fressen vnd sauffen/nicht in kamern vnd gayl
hayt/nicht in hadern vñ euffern. Vnd Ephe 4. Ich erman
euch lieben brüder/das jr wandelt wie sichs gebürt ewern
beruff/darin jr beruffen seyt/mit aller diemüt/sensstmit
vñ langemüt/vñ vertrag ainer dem andern in der lieb. Vñ
Paulus beschreybt die vsach Phil. 2 Thut alles on mur
mulung vnd on verwirung/auff das jr seyt on dadel/vnd
lautter/vnd kinder gottes/vnsträflich/mitten vnder dem
vnslachtigē vnd verkertē volck. Peter/ Sy verachtē
aber die geschriffte/vnd wollen jr alte gewonheit halten/
sagt man in schwarz/so sagen sy weyß/sprechen/ob die ge
schriffte in der Bibel alle war sey/vñ wen man in mit höch
stem fleiß Christliche leer vor sagt/sprechē sy als bald/hast
du mein Genß nit gesehē/wer kan in dan schweygē darzu?
Hans/ Paulus schreybt. 2. Timo. 2. Ain knecht des herre
soll nit zenckisch sein/sonder vätterlich gen yederman lern
hafftig/der die bößen tragen kan/der mit sensstmit strafe
die widerspenstigen/ob in Gott der mal ains büß gebe/die

warhait zū erkennē. Vnd. 1. Petri. 2. Das ist der will gottes
das jr mit wolthün verstopfft die vnwissenhait der mens-
schen/als die freyen/vñ nicht/als het jr die freyhait zū ainē
deckel der sünden. Peter/ Lieber sy machens zū grob/sy
geben böse wort auß/vnd werffen mit Ketzer köpffen vnder
vns/vnd so wir nit hinwider bissen/so schryen sy fro/hie ge-
wunnen/hie gewonnen. Darüb ist not/ das man in den kol-
ben auff den schildt leg. Hans/ O ho/wiltu Christum
bekennen vnd leeren / vnd magst nit böse wort leyden/wie
wöltestu dan straych/oder den todt leyden. Merck Paulū
Roma. 12. Benedeyet die euch verfolgen/benedeyet vñ ma-
ledeyet nicht/ vergeltet nit böses mit bösem/ rechet euch sel-
ber nit. Hie höstu/ das man auß Christlicher lieb/in aller
senfemüt/on alle gallen handeln muß/ soll es frucht bringē
vnd nicht also grob mit den lewten faren / Es ist auch ain
mercklich stuck/ darmit man die lewt abwendet von der
Euangelischen leer/der etwann sunst vil herzū kernen/vnd
die leer annehmen/aber den weg/gebirt es nur feyndtschafft
zū dem wort gottes/der gleychen zū den/die im anhangen/
hayssen sy Ketzer/vnd das wort Gottes Ketzerrey/da seyt jr
allain schuldig an/mit erwerim flaysch essen/rumorn/diēen
schenden vnd lestern der gaystlichen / vnd dem bochen vñ
hadern/vnd verachten der ainfeltigen/das jr vil vber euch
aufspeyen/wa sy euch sehen/dergleychen vber ander frūme
Christen/die nit wie jr/sonder dem Euangeli Christi nach
folgen/vnd ainen Christlichen wandel führen/wie sichs ge-
bürt. Peter/ Lieber ist man vns feynd / das wissen wir
vorhin wol/vñ kennē sy auch wol/wir sein in auch nit gar
hold/vnd wen sichs begeb in ainē abreyten/wir wölte gar
schon reyssen anainander Hans Awe ist es vñ diezeyt
so merck ich wol/es ist nur vil geschrayß vnd wenig wollen
vmb euch/hat jr die lieb des nächsten nit/von nöthen kēnt
man euch nit für junger Christi. Peter Wie so? Hans
Es steet 1. Joā. 3. Wer nit lieb hat seinē brüder/der bleybt
im todt/vñ wer seynē brüder hasset/der ist ain todt schleger

B ij

Vnd Joan. 4. So yemant spricht/ er lieb Gott/vnd hasset
seynen brüder/der ist ain lugner/dan wer seynen brüder mit
liebet/den er sicht/wie kan er gott lieben / den er nicht sicht
Darumb fürcht ich lieber brüder peter/ so du mit deiner rot
seyndtschafft tregst/ jr haben den warhafftigen Christen
glauben nicht/den got würckt Colo. 2. Sonder jr habē nur
ain menschlichen gedichten glauben/auß flaysch vnd blüt
Deshalb auch/all ewer gedancken/wort vnd werck seynd
flaysch vnd blüt/vnd seynd euch selber schedlich vñ vnnützig
vñ ander leuten ergerlich wen flayschlich gesynnet seyn/ist
ain seyndtschafft wider gott/ spricht Paul. Roma. 8. Die
aber der gayst Gottes treybet/ das seynd die rechten Kinder
gottes/Ro. 8. Peter/ Wie erkent man sy aber. Hans
Allain an der lieb/wie Christus sagt/Joā. 13. In dem wirt
man erkennē/das jr meine Junger seind/so jr ainander lieb
habt. Vñ. 1. Joan. 4. Jr lieben/last vns vnder ainander lieb
haben/dan die lieb ist von gott/ vnd wer lieb hat/der ist vō
gott geborn/vñ kennet got/wer mit lieb hat/ der kennet got
mit/wan got ist die lieb/vñ wer in der lieb bleybt/der bleibt
in gott/vnd got in jm. Derhalben mag ich wol zū euch sagē
wie Christus zū den Juden Joan. 8. Wen jr Abraams Kin-
der weret/so thäten jr die werck Abrae. Also auch jr/wan
jr Euangelisch werent(wie jr rōmet)so thäten jr die werck
des Euangeli/wan das Euangeliō ist ain wunsam frōlich
vnd lieblich botschaft von Christo. Darüb wan jr auß dem
Euangeli geborn wert/so verkündet jr das Euāgeli ewern
mitbrüdern in Christo/holtzälig/vnd mit aller ersamkeit/
vnd füret ain gottseligen wandel / wie die Aposteln/ die so
freüntlich gegen den leuten handleten/wie man in jren Ge-
schichten durch alle Capitelliset. Darüb lieber brüder peter
merck nun eben mein red vmb gottes willen/vñ sag es dey-
nen mitbrüdern von mir/wiewol sy mich ain heüchler vnd
abtrinnigen hayssen vnd halten werden/daligt mir mit ain
har brayt an/ich hon ye die warhait gesagt/wölche dan all-
mal verfolgt muß werden von den gotlosen. Vnd wölt got

Das es alle die gehört hetten/die sich gut Lutherisch nennē
villeycht möcht in jr rüm geligen / vnd erst ain tayl leeren
recht Euangelisch Christen zū werden. Mayster Vlrich
Peter/ wie dunckt dich? wen maister Hans vber dich keme
der künd dich recht auffnesteln/es ist ye ainmal war/ wen
jr Lutherischen solchen züchtigen vñ vnergerlichē wandel
füret/ so het erwer leer ain bessers ansehen vor allen mensche
die euch yetzund keger nennē/ würdē euch Christen hayssen
Die euch yetz flüchen / würden euch loben / Die euch yetz
vbelreden/würden euch wolsprechē / Die euch yetzūd flichē
würden euch haymsüchen/vnd die euch yetzund verachten
würden von euch lernē. Aber mit dem flaisch essen/rümm
pfaffen schenden/hadern/verspotten/verachten/ vnd alle
vnzüchtigen wandel/habent jr Lutherischen der Euange
lischen leer selber ain grosse verachtung gemacht. Hans
Es ligt layder am tag. Gott verleych vns allen seynē gayst
zū leben nach seinem götlichen willen. Man lewt das drit
wolauffgen Predig. Mayster vlrich/ Wolan jr hond
mich gleych lustig gemacht/ich wil auch mit euch an erwer
predig/ ob ich ain gütter Christ möcht werden. Hans/
Das geb Gott. Mayster Vlrich/ Amen.

Philippen. ij.

Lieben brüder/ ist nun vnder euch irgent ain ermanung
in Christo/ Ist irgent ain trost der lieb/ Ist irgent ain ges
mainschafft des gaysts/ Ist irgent ain hertzlich lieb vnd
barmherzigkait/so erfüllet mein frewd/das jr aines müts
vnd syñs seyt gleiche liebe habt. Nichts thüt durch zancf/
oder eytel eer/sonder durch diemüt/Achtet euch vnder ains
ander selbs/ainer des andern obrister vñ ain yetglicher sehe
nit auff das seyn/sonder auff das des andern ist.

Faint, illegible text, likely bleed-through from the reverse side of the page.

Faint, illegible section header or title.

Faint, illegible text, likely bleed-through from the reverse side of the page.